

ხელშეკრულება №03/041
სახელმწიფო შესყიდვის შესახებ

2015 წლის 12 მარტი

ქ. თბილისი

ერთი მხრივ, **სსიპ – ილიას სახელმწიფო უნივერსიტეტი** (მისამართი: ქ. თბილისი, ქ. ჩოლოყაშვილის გამზ. №3/5) წარმოდგენილი ადმინისტრაციის ხელმძღვანელის **დავით აფრასიძის** სახით (შემდგომში წოდებული „დამკვეთი“) და მეორე მხრივ **შპს „არის ჯი“** (მისამართი: ქ. თბილისი, 0171, კოსტავას 47/57) წარმოდგენილი დირექტორის **გიორგი კაშიას** შემდგომში წოდებული „შემსრულებლად“) ვდებთ ხელშეკრულებას შემდეგზე:

1. ხელშეკრულების საგანი

1.1. დამკვეთი უკვეთავს, ხოლო შემსრულებელი უზრუნველყოფს ინტერნეტ-რესურსებზე: edu.aris.ge და/ან studinfo.ge და/ან fb.com/edu.aris.ge და/ან fb.com/studinfo.ge დამკვეთის საინფორმაციო მხარდაჭერას (შემდგომში – „მომსახურება“), კერძოდ:

1.2. მომსახურების გაწევა ხდება შემდეგი მიმართულებით:

1.2.1. უნივერსიტეტის სიახლეების/დონისძიებების გაშუქება (თვეში არაუმეტეს 30-ჯერ);

1.2.2. ტოპნიუსების კატეგორიაში უნივერსიტეტის სიახლის განთავსება (თვეში ერთხელ);

1.2.3. ინტერვიუ უნივერსიტეტის მმართველ პირებთან, აკადემიურ პერსონალთან (3-ჯერ სახელშეკრულებო პერიოდის განმავლობაში);

1.2.4. ცვლადი ბანერის (728x90) განთავსება edu.aris.ge ვებ-გვერდზე (20% ალბათობით).

1.3. მომსახურების გაწევა ხორციელდება 2015 წლის 12 მარტიდან 2016 წლის 12 იანვრამდე.

2. ხელშეკრულების მოქმედების ვადები

2.1. ხელშეკრულება ძალაში შედის ხელმოწერის მომენტიდან და მოქმედებს 2016 წლის 12 თებერვლამდე.

3. მომსახურების გაწევის წესი და ადგილი

3.1. ხელშეკრულებით გათვალისწინებული ვალდებულების შესრულების ადგილია ინტერნეტგვერდი edu.aris.ge; studinfo.ge; fb.com/edu.aris.ge და fb.com/studinfo.ge.

3.2. მომსახურების გაწევა ხდება ეტაპობრივად დამკვეთის მოთხოვნის შესაბამისად, ხელშეკრულების გაფორმების თარიღიდან (2015 წლის 12 მარტი) ათი თვის განმავლობაში.

4. მხარეთა ვალდებულებები

4.1. შემსრულებლის ვალდებულებები:

4.1.1. შემსრულებელი ვალდებულია გაუწიოს დამკვეთს ამ ხელშეკრულების 1.2. პუნქტში მითითებული ნივთობრივად და უფლებრივად უნაკლო მომსახურება. ხელშეკრულების 1.2. პუნქტში მითითებული მომსახურება.

4.1.2. შემსრულებლის ვალდებულება მომსახურების გაწევაზე ითვლება შესრულებულად გაწეული მომსახურების დამკვეთის მიერ ამ ხელშეკრულების 1.2. პუნქტთან შესაბამისობის შემოწმებისა და მიღება-ჩაბარების აქტის გაფორმების მომენტიდან. ხელშეკრულებით ნაკისრი ვალდებულების შესრულებასთან ერთად, შემსრულებელი ვალდებულია გადასცეს დამკვეთს ყველა შესაბამისი დოკუმენტი;

4.1.3. თუკი, ხელშეკრულების 1.2. პუნქტით გათვალისწინებული მომსახურება არ აღმოჩნდება სრულყოფილი, შემსრულებელი ვალდებულია, დამკვეთის მოთხოვნისთანავე, გამოასწოროს ეს ნაკლი.

4.2. დამკვეთის ვალდებულებები:

4.2.1. დამკვეთი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;



4.2.2. მომსახურების გაწევის შემდეგ დამკვეთი ვალდებულია შეამოწმოს მიმწოდებლის მიერ გაწეული მომსახურების შესაბამისობა ამ ხელშეკრულების 1.2. პუნქტით შეთანხმებულ მომსახურებასთან.

4.2.4. დამკვეთი ვალდებულია აუნაზღაუროს მიმწოდებელს მიღებული მომსახურების ღირებულება მისი, ამ ხელშეკრულებით დადგენილი წესით.

5. ფასი და ანგარიშსწორების წესი

5.1. ხელშეკრულების პირველი მუხლის 1.2. პუნქტით გათვალისწინებული ერთი თვის მომსახურების ღირებულებაა **250.00** (ორას ორმოცდაათი) ლარი.

5.2. ხელშეკრულების ჯამური ღირებულებაა **2 500.00** (ორი ათას ხუთასი) ლარი.

5.3. მომსახურების საფასურის გადახდა ხდება უნაღდო ანგარიშსწორების წესით, მომსახურების გაწევის შესახებ მიღება-ჩაბარების აქტის გაფორმებიდან 5 სამუშაო დღის განმავლობაში.

6. ხელშეკრულების ინსპექტირება

6.1. დამკვეთი ახორციელებს კონტროლსა და ზედამხედველობას შემსრულებლის მიერ ხელშეკრულების პირობების შესრულებაზე.

6.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება უნივერსიტეტის მხრიდან ევალუა საზოგადოებასთან ურთიერთობის სამსახურის უფროსს ანა კვანჭილაშვილს.

7. შესყიდვის საგნის მიღება-ჩაბარების წესი

7.2. შესყიდვის საგანი ჩაითვლება მიღებულად მას შემდეგ, რაც დამკვეთის მიერ უფლებამოსილი პირები ხელმოწერით დაადასტურებენ მის მიღებას.

7.3. მიღება-ჩაბარების აქტზე ხელმოწერა, დამკვეთის მხრიდან განესაზღვროს საზოგადოებასთან ურთიერთობის სამსახურის უფროსს ანა კვანჭილაშვილს.

8. ხელშეკრულების შეწყვეტა

8.1. დამკვეთი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორებაც შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. დამკვეთი უფლებამოსილია მთლიანად ან ნაწილობრივ შეწყვიტოს ხელშეკრულება შემსრულებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან დამკვეთის მიერ გაგრძელებულ ვადაში შემსრულებელს არ შეუძლია მომსახურების სრულად ან ნაწილობრივ მიწოდება;

ბ) შემსრულებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) დამკვეთისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) შემსრულებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა.

9.2 ხელშეკრულებით გათვალისწინებული ვალდებულების შესრულების ვადის გადაცილების შემთხვევაში მხარეებს ეკისრება შეუსრულებელი ვალდებულების 0,1%-ის გადახდა ყოველ ვადაგადაცილებულ დღეზე.

9.3. ხელშეკრულებით გათვალისწინებული ვალდებულებების შეუსრულებლობისათვის მხარეებს ეკისრება პირგასამტეხლო შეუსრულებელი ვალდებულების 10%-ს ოდენობით.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორსმაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. ამ ხელშეკრულების 11.1. პუნქტით განსაზღვრულ შემთხვევაში შეძლება მოთხოვნილი იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან დამკვეთისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ



დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება დამკვეთს, ერთი – შემსრულებელს).

მხარეთა რეკვიზიტები:

დამკვეთი:

სსიპ – ილიას სახელმწიფო უნივერსიტეტი
მის: ქ. თბილისი, ქ. ჩოლოყაშვილის გამზ. №3/5
საიდენტიფიკაციო კოდი: 204861970
საბანკო რეკვიზიტები: სახ. ხაზინა,
კოდი: TRESGE22 საკუთარი შემოსავლები



დავით აფრასიძე
ადმინისტრაციის ხელმძღვანელი

შემსრულებელი:

შპს "არის.გე"
მის: ქ. თბილისი, 0171, კოსტავას 47/57
ს/კ: 204552466
სს „ბანკი ქართუ“
ბანკის კოდი: CRTUGE22
ა/ა: GE12 CR00 0000 0000 4336 07



გიორგი კაშია
დირექტორი